

盛海六記

陳樹著



代序 答世杰仁兄書

頃奉五月十三日惠書兼自題紀遊詩讀之不勝欣佩
盤溪草及宣紙未到到即照辦寧海宋朝人文若斯之
盛故明初特多異才永樂革除之案初最慘烈然進士
一項尙有十餘人不若本朝一落千丈真堪太息文學
既不發遑遂一切衰退文獻無徵公搜得本縣詩一千
餘家今又得數家真元運重興公爲寧海起衰之第一
人合縣所當馨香肅拜者也甯海漫記印有多分否城
鄉通文如葉子布章鏡波鏡特飛諸人應各贈一分以
振激其繼往開來之意尊重鄉邦文獻即以啓迪來者
甯海六記。

三

台州他縣歷代皆有此種人獨寧海寥寥蓋由詩書仕
宦世傳之家不多草茅崛起之士又多窮困焉得餘力
顧及不急之務耶今公所得輶軒續錄諸家第皆不知
其人不勝疚歉潘學文爲續錄時台州詩由王嘯林明
經王子莊先生棊所采輯者寧海本縣無承訪之人也
詹郭林魏四君無多遺稿光緒四年科考黃恕皆學古
古學題爲觀錢武肅王鈇券賦合屬第一爲魏君今忘
其名聞卽前魏君之子孫弟初應考記其賦首句爲摩
挲古物雙瞳寒從觀字落想得題解卽此一句知其能
詩賦者公收得其詩乎同族章廣軒徵君祖蔭詩和雅

前二十年有詩社倡和十餘人中唯李與九茂才夢齡
詩有門徑去年去世先有悼亡百首中多可采公見之
否采詩殊不易廣軒與九敝處前有其贈詩及所自作
今不知在何處南北流轉一歲數遷散失無可說矣明
日往北京看病換藥方半月回津並及答甲戌夏四月
初七日弟章棖于天津

甯海六記



甯海干人俊著

光緒邑志宋進士表爵里多未書茲考張氏譜張萃張紀張應奎皆裏壤人萃字叔器官崇信軍節度使紀字子綱仕祕書郎應奎字景文仕甯州知錄

甯海人文至宋始盛葉夢鼎舒岳祥胡三省皆其卓著者惟三賢籍貫諸本錯見葉夢鼎松陽志作松陽人舒岳祥浙江通志作臨海人胡三省宋元學案作天台人俱非亟宜訂正也

舒岳祥閩風集原有二百二十卷而四庫輯本爲十二卷僅二十分之一今吳興劉承幹嘉業堂刊本復益以甯海六記。

一
三

補遺附諸卷末其有功于鄉邦文獻不尠也癸未秋余于光緒奉化志見畱耕堂記一篇舒氏譜見雁蒼山詩一首俱爲劉氏補遺所未見者記長不錄錄其詩云此山吾舊隱石洞鎖嶙峋竹有四時筍松生千歲鱗風偷猿藏果僧拾鵲巢薪吾友前峰住重來莫厭頻

鄉賢胡三省嘗著四城賦江東十鑑袁清容比之張衡曹誼其文之不羣可知惜竹素園稿百卷今已不傳癸未冬偶得西庵記及張氏譜序其文與通鑑音注釋文辯誤二序相類讀之如嘗異味真名筆也記見柏阮王氏譜序見裏輿張氏譜

思親堂聽松樓皆裏壤著名古蹟光緒邑志未之采宋
葉夢鼎贈張玲思親堂詩云罔極恩深天地功寸心未
報恨無窮白雲飛處猶爲在風木驚時若再逢愛日不
無無可愛從今欲養養何從蓼莪章句常常讀讀至劬
勞氣咽胸宋舒岳祥贈張景文聽松樓詩云畫樓高築
水西林耳聽松聲樂素襟風動樹梢龍寄語月明枝畔
鶴傳音桃容布意春光短桂影多情秋色侵自是大夫
貞節操與天同守歲寒心葉詩見張氏譜舒詩見閩風
集

梅林花園李氏譜載其祖華爲宋仁宗景佑二年進士

甯海六記

二
三

端光祥爲神宗熙甯二年進士文炳甯宗嘉定五年進
士文德理宗紹定三年進士考通志府志邑志俱無恐
出附會不可信依姑記之待考

甯海地瘠民貧婦女以生活艱辛姿色平庸歷朝少女
選入宮者實所罕聞茲考梅林李氏譜有李貴妃爲宋
太祖妃蔡氏譜有蔡貴妃爲宋孝宗妃亦佳話也李貴
妃父墓在北三十里梅林李家塢蔡貴妃祖墓在北三
十里梅林蔡家園

薛詠爲宋代甯海著名詩人邑志人物未列殊嫌缺陷
爰據戚學標三台詩錄補之亦闡幽意也薛字沂叔號

野鶴城西人與戴石屏同時以詩遊江湖詩名與翁石龜相埒欲定爲龜鶴集方菊田嘗摘其佳句柳斷橋方出烟深寺欲浮歸心如病葉一片落江城載深雪偶談舒闔風云野鶴從趙天樂遊得姚賈法詩不多見

龍宮距縣北七十里山深地僻水冽泉幽名曰龍宮非虛語也所謂五潭者曰石龍竇光緒志記之不錄曰大洩在龍宮村外里許其旁危巖相對若門中懸高瀑飛洩而下洩旁有天然溝可坐人傳爲龍卧遺迹云曰石鑊在龍宮石竇潭上里許其潭四圍平巖形似兩鑊相連水自裏潭灌至外潭流沫成輪每石墜磋捲有聲曰

甯海六記。

三三

久泛出其石皆圓曰湯瓶離真君殿下數十步以形似名上有巖矗起可立一人持竿而釣曰筌簗潭亦以形似名旁有千丈巖宛若獅頭昂聳龍宮舊文昌閣基在焉

甯海家譜名貴勝鄰縣浙江通志經籍家譜著錄凡五十九家而吾甯佔十二家之多光緒志藝文反略而不錄誠莫解也茲錄之以存文獻方氏族譜徙甯海倭城里十四代孫文大著宋濂序甯海紫溪鄔氏家乘鄔若虛著三都劉氏族譜甯海大族方孝孺序泉水葛氏族譜甯海葛氏輯金學賢序柏屏黃氏宗譜寧海黃應斗

應賡輯邵景堯序儲氏宗譜治北儲氏編次任大治序
寺前胡氏宗譜寧海胡嵩石偕從弟鳳輯石簡序董氏
宗譜石簡序寺後李氏宗譜寧海李明善屬王演疇輯
方前林氏宗譜林國佐修黃儒炳序擷英坊呂氏譜塢
頭呂氏寧邑著族秦鳴雷序重修王氏族譜寧海王敦
紀修應森孫序

清道咸間緱北有詹郭林魏四君文章博雅名重六邑
癸亥冬月廿七日章一山太史致余書云少時聞詹郭
林魏四君之名人已不及見郭以拔貢終當時黃巖楊
定敷給諫王子裳太守張子遠大令璿均從受業會親

甯海六記。

四

三

問大令郭先生是否八股匠大令稱其博雅不但能入
股此四君之詩采錄否考四君詩遺稿無多詹郭魏詩
已搜得編入甯海詩存林則一章未見焉詹名鼎亨字
亨五號杏村後金人咸豐庚申歲貢郭名守民號愚山
長洋人咸豐辛酉拔貢著有愚山集光緒府志列入文
苑傳林名芬字漱香加爵科人道光十九年廩生魏名
謙號搗齋下蒲人道光十七年廩生

光緒邑志元進士表張吉張夢正張端老張漢中四人
村里未書考清潭張氏譜俱為裏壤人吉字敬夫元統
甲戌進士授翰林院編修夢正字養元登庠中榜授會

稽縣丞端老字汝正石泉教諭漢中天台教授

竺德愿溪邊人仕廣東文昌縣有德政民歌頌至今未
己光緒邑志明賞選表僅書其爵里未詳事略爰據溪
濱竺氏譜摘出以資表彰竺二字惟誠號見山永樂十年
以入貢考取授廣東文昌少尹勤恤民隱聲聞鄰治時
海寇竊發臺命鎮守青藍頭公乃乘機備要設伏誘戰
斬賊百餘生擒二十五人洗空巢穴餘賊流竄居民受
害飢病交迫怨號滿野公旋師百姓求援者千數曰公
爲民母豈忍百姓困苦曰我職卑無可挽回眾泣告曰
青藍倉廩盡餘乞假權救至秋補償公曰邊儲擅發我

甯海六記。

五

三

罪難追若不從汝命須與我豈一身使萬民墮于淵壑
遂將青藍粟開賑萬民載德歌謠滿道事聞廣東御史
王成守巡道邵瑞明揚觀諸公交章薦報成祖皇帝特
旨超陞南京中城兵馬指揮卒于任輿櫬歸葬行囊無
一錢物

釋寶唱作名僧傳僧祐作高僧傳法進作江東名德傳
五巾作法師傳裴子野作眾僧傳釋之有傳繇來久矣
光緒邑志列釋傳凡十七人而清代照心明素遼源通
靜妙祥西雨六名僧尙未入焉照心號空印著白巖集
明素號服一著習心吟遼源字守齋著有守齋遺藁一

卷通靜字文定號葦渡本姓韓國清寺僧著有文定語錄二卷妙祥本姓金國清寺僧著有祥禪師語錄西雨字焦隱壽甯寺僧著有雲響詩鈔

大里王氏譜載王偕孫字子昭慈溪縣丞王酉孫蕭山教諭王文聰字克敏合肥典史王宗晶沙港司巡檢裏與張氏譜載張崢洪武間本府教諭張瑀歙縣丞上六人光緒邑志明薦辟表贊選表俱無宜補之

光緒邑志無氏族一門殊失史義茲就已考者錄之長洋郭氏始祖瑜爲汾陽王第十世孫于宋宣宗時由臨海康山徙居甯海長洋大蔡胡氏始祖仔字直夫係五

甯海六記。

六

三

代吳越萬一尙書十世孫于南宋紹熙時由奉化蓬島徙居甯海象原花園李氏始祖詠原居杭州橋陵于唐僖宗末徙居甯海梅林花園鳳潭林氏始祖文甯原居黃巖焦頭於南宋建炎間遷居七都鳳潭

俞穩字宅仁婁阮人宏治庚戌進士官衡州知州戚氏三台詩錄僅載其宿居庸關詩一首茲又於山下劉氏譜得其贈劉立哲嘉會樓一首喜見高樓聚俊英扁題從號會嘉名休言花萼今傳古尤勝星亭燭太清座擁八龍方八士才誇難弟與難兄居仁由義長如此佇看聲名達帝京但遠不及宿居庸關雞鳴有常期人心自

草草殘星麗層霄宿霧迷遠島等句之蒼勁也
華氏清華靄女嫁龍宮州司馬陳璿亦以能詩名年廿
五卒甲戌北上之父任遊惠泉山秦太史花園云未到
皇都地先遊太史園魚吞池上藻鳥弄樹中烟馥郁花
香細參差柳色妍褰裳怪石畔蒼翠滑金蓮詠海棠云
出色奇葩未易尋千年只少杜陵吟當初錯比明妃睡
惹得詩談直到今詩見陳氏譜

劉月卿字士元禮村人嘗與其弟洲受詩法於吳子良
其說澹然冲守繼又務爲恢張有士元詩集舒岳祥爲
之序邑志人物未列府志附入方岳傳余每欲搜其遺

甯海六記。

七

三

篇不可得茲於中胡劉氏家譜得其遊西洞詩一首妙
絕詩云山深地阻路緣厓流水自流花自開白石岡頭
逢荷篠碧桃洞口見浮杯飲泉鹿向雲間去採藥人從
海上來自是蓬萊不知處卻思登陸有天台西洞位閩
風臺之右俗傳爲南蠻十八洞之一

裏壤張氏譜載其祖張盛宋元豐八年乙丑進士仕監
察御史張擘政和元年辛卯進士仕崇仁縣宣教張良
熊隆興元年癸未進士張季友開禧元年乙丑進士官
單州團練副使張渭字了翁淳祐四年甲辰進士仕直
承郎胡三省岳父也張夢龍字雲從咸淳四年戊辰進

士又年失考者有張辭咸淳進士慶元提舉以上七人
邑志府志俱無今據胡三省撰張氏譜序似多可信蓋
以當代人紀當代事想不致誤也

桃源井在三都禮村主簿園西首宋劉次皋置邑志古
蹟未載徐胤翹桃源井詩云避秦不願耕汲谷自成井
亦有畊鑿人不異桃源境詩見申胡劉氏譜

王大本字仲孚一都人光緒邑志列元進士表不詳年
分康熙府志竟入附註中今據王氏譜作宋嘉定十三
年劉渭榜進士未知孰是故記之待考

李衍字叔和宋宣和六年進士終常山令深州人錢志
甯海六記。

稿三台詩錄作李衍今考李氏譜衍與衍爲兩人衍由
三舍入學應舉省元且其世系流派亦別不宜再作一
人觀也

篆畦在北五十里嶺口宋舒岳祥小園也創于寶佑丙
辰因其行徑紆餘貫穿若篆文故名有歸樵嶺好翁亭
乘桴亭耕養堂羽人臺燕嬉舟楊柳棧芰荷洲諸勝光
緒邑志古蹟失載特表之亦足見先賢之高情逸致也
記其自憶篆畦詩云流水人千里清風酒一樽烏頭何
日白鶴髮幾人存石樹根基壯秋蟲羽股繁殷勤問來
使元亮欲歸園又羽人臺詩云夜靜秋深月朗天時時

霜鶴淚芝田築臺正與仙人約少駐人間五百年又歸
樵嶺詩云嶺口樵歸雲亦歸與雲同宿掩柴扉交遊莫
問飯顆瘦妻子共甘康藪肥又楊柳枝詩云作此橫舟
古柳閒人風不動只如山夜來雨漲牂牁沒卻道舟移
過別灣又芰荷洲詩云綠埵霞川濯錦香何人著屐上
谿航數聲疏雨鳴荷葉兩岸清蛙報水涼又燕嬉舟詩
云西湖錦航簾垂額越上烏蓬鐵簇頭江堰不通人已
老竹深荷靜且遲留六詩俱見閩風集

蘭谷集明張嶠著靈崖詩稿明張良琨著竹泉松稿明
張用傳著是三書見裏奧張氏譜光緒邑志府志藝文

甯海六記。

九

三

俱未著錄嶠字原濟號蘭谷與弟樞俱以詩鳴良琨字
廷玉張用傳號懶齋人明敏善詞賦洪武間以才選赴
京正學先生嘗爲撰懶齋記贈之

竺朝儀溪邊人字正之號養素早失所恃苦志卓立博
涉羣籍早遊京國不妄納交德祐二年以特科授淮西
觀察推官貴勢不敢干以私適元代金興中都陷滅公
進守禦論於朝理宗反以越職言事罪之公卽退而誓
曰人之用世貴平行道華夷混天欲行無兆孔曰曲肱
顏曰屢空聖賢之學奚爲亢龍遂以養親還誦考槃以
自樂所著有山亭聯句等考邑志人物未列特表之

李介石字守道元寧海人陳宗甫稱守道好學工詩有志於儒者也後授鎮江府掾從守鎮江城陷被執不屈死書史會要稱守道隸書得古法同時有李廷臣字仲虞寧海人幼從丁仲容遊性簡澹好讀書極力爲詩文瀟海間人多稱之二人小傳初見三台詩錄繼見台州府志光緒邑志失載宜補之

俞宜民詩集宋俞宜民撰舒岳祥爲之序宜民馬塢人今佚王榘係詩集宋王叔範撰舒岳祥爲之跋叔範一都人今佚日損詩集宋釋日損撰有方元善序舒岳祥跋其集與方序並佚日損雁蒼吉祥寺高僧是三書俱

甯海六記。

十

三

見閩風集光緒志藝文未著錄宜補

緜北十橋建築宏固風景清麗延慶橋甲子橋緜北第一橋復興橋已見光緒志寅餞橋普濟橋已見甯海漫記俱不復敘復源橋在北七十里大蔡象原廟下有橋屋五間民國胡祥募資重建橋下深百丈望之悚然長生橋在北六十里長洋畝計二洞郭樹棠有碑記迴龍橋在龍宮村左光緒乙巳陳昭來等募建計二洞里人陳瀛洲有碑記雙枝橋在北六十五里裏輿村東計二洞因旁有雙枝廟故名

龍鬚山在西北七十里其岡四斷怪石屹立有龍湫三

四處舊傳有二龍鬚現水中大如象鼻水湧激而上復
流湫中因號其山曰龍鬚山宋舒岳祥曾避元亂隱此
有二十四日還龍舒舊隱詩今朝歸小隱鄰里喜還悲
亡國誰修史遺民自采詩鼠營新穴壤鶴理舊巢枝見
說寅年泰冥心待運移詩見閩風集

同治寧海志稿十四卷清鄔凱之王以藩葉含輝葉得
新同撰鄔紫溪人王城東人二葉珠奧人是書光緒府
志著錄今存又詳蒼山志清林友王編友王福建莆田
人號容庵是書見康熙志藝文外編林友王小傳合吉
祥寺有鈔本上二種光緒邑志藝文史部失載宜補之

甯海六記。

十一

三

陳璿字睿玉號衡山龍宮人康熙戊辰年十三入太學
癸酉年十八考授同知陳氏譜有其詩數章如春苑卽
景云紅吐桃腮嫩青含柳眼新上林無限卉謝贈一枝
春又云草香春過處花暖蝶翻時不敢辭王命如糕韻
亦詩和蘇州府事溫而遜贈別元韻云莫逆情如緒分
時無二心各天雲樹迴兩地暮雲侵重下陳蕃榻承分
鮑子金北枝梅有信願寄早春音皆情致纏緜雅韻欲
流

光緒邑志列女傳分孝女孝婦烈女烈婦貞女節婦壽
婦七門而才媛刪焉夫婦道無成節烈孝義之外原可

稍略然班姬之盛德曹昭之史才蔡琰之文學豈轉不
及方技伶官之倫更無可傳之道哉王舟瑤光緒台州
府志另闢才淑一門其法善矣茲將吾寧才媛可考者
略書之葉蕙珠清水車陳經濟妻臨海葉仁圃孝廉妹
宋碩山稱其通書史葉素孃吳塤吳應鰲妻能詩善畫
有文徵明重其昌筆意早卒有寒香錄台州府志列入
才淑傳吳茜雲應鰲女字學素號梅花女史工畫梅又
從天台汪霖學水墨山水吳蕙芳應鰲次女宋碩山稱
其能詩善畫光緒台州府志與其姊同附入母傳鄔藕
香紫溪人舉人龔浩室卒年二十九有壽王坦原先生

甯海六記。

十一

三

六十詩入台詩四錄胡順妹胡璜女道光間大蔡人工
詩詞有詩二卷其病起等詩三章余已輯入甯海詩存
下樟孫炳離明經家傳有其全稿

浮溪自紡卑潭至鳳潭十五里曰盤溪卽宋舒岳祥雁
蒼山石鼓銘中所云縵屣初入盤谷有容地也兩岸景
色清麗甲於全邑山有雁翁道冠之奇谷有康居雪竇
之幽瀑有馬堯吳淞之麗潭有蛟湖姑娘之險明平湖
進士倪長圩愛其谿山深秀遂晦迹焉宋舒岳祥有甲
申正月二十日遊盤谷道院贈石湖鍊師詩云滄海運
雲族青山遠驂塵回旋成小隱想像著幽人枰樹編聯

水梅花諱說春扶輿穿確學空翠濕衣巾于此可見一斑

真遊園君子泉皆在縣北五十里禮村宋劉樗園莊孫遺迹也邑志府志古蹟俱缺宜補之宋舒岳祥題正仲真遊園詩云借問真遊趣華胥路不賒青黃隨澗柳紅白任巖花適意弦歌鳥無私鼓吹蛙秋風榛子熟撒霰散林鴉又和正仲君子泉詩云脈來層嶂遠影到片天清洗硯雲根起歸瓢乳味盈巖花蒙潤澤水草見分明已遂投簪志何須起濯纓二詩俱見閩風集

友于堂涵清軒皆溪濱古蹟光緒邑志俱失載前者爲

甯海六記。

十三
三

明竺允恭與其二弟允升允和建方正學有友于堂銘後者爲明竺子明建御史張帖有記方銘張記俱見光緒邑志藝文內編

黃則才字克用柏屏人洪武時湖廣道州知州三台詩錄有其柏屏山窗卽事二首茲於仰山雜錄中又得其數章續柏屏山窗卽事云奴貼似無地書窗倦倚南酒深愁自淺吟苦味方甘樹動鶯身出花濃蝶睡酣山光富囊底未害老多貪又云風色竟淒乚憑欄望眼迷谿知春浪闊山趁晚雲低雪味茶鐺水梅香屐齒泥新年無意緒詩話任提撕中秋感懷四絕云浮雲萬里一齊

收何問漢家二百州記得年年留故事這回恰半是中
秋日色平分不短長江南江北好秋光天闊別有清虛
府留到人閒夜未央湧出中天大豁眸十分月色五分
秋雖然一樣團圓相偏較尋常迥不侔終宵違此意如
斯我欲乘槎一問之兒女英雄多少恨照人異地繫同
思前二章皆意味閒適後四絕亦委婉有致

懶齋娛靜樓皆縣北裏與張氏古蹟邑府志俱失載考
懶齋明張公傳用隱建方孝孺爲之記有云自夫常山
者而觀之則崖石以不動故堅山岳以不動故壽水靜
則可鑑毫髮地靜則可載萬類是皆懶之類也而予之

甯海六記

十四

三

懶豈謂是乎故巧者之奔走不如拙者之自守夸者之
馳驟不如靜者之悠久彼措慮于涯分之外役志于義
命之表孳孳憧憧於塵埃之間而不知止者又孰若燕
居無營以懶自名之爲得耶道家之說貴無爲而主靜
夫無爲而靜與懶相近而非懶之謂也子有以知之則
謂懶可也謂之非懶亦可也娛靜樓明洪武間張嶠懷
濟建方孝孺亦爲之記有云孔明嘗謂學必本乎靜才
必成於學其言得聖賢之意蓋其所至深矣懷濟之有
取乎靜豈亦以此乎天地之初事物之始性情之中靜
也而未嘗不動也憧憧然出入與日俱至者動也而未